

宋  
詩  
拾  
遺

宋詩拾遺卷第十九目錄

陳宓一首 沈東一首 顏度一首

李思行三首 虞儔二首 李執一首

馬之純三首 吳世廷一首 史蒙卿一首

趙汝鐸一首 戴溪一首 陸九韶四首

王栴三首 趙汝蔭一首 傅誠二首

徐師仁一首 任希夷三首 林夢英一首

孫應時一首 史浩五首 陸垓三首

程瑞一首 郭巖三首 呂源二首

呂江一首

郭彥章二首

盧祖皋二首

胡榘四首

趙誰二首

蒲瀛一首

黎道華二首

黎近一首

李錞四首

宋詩拾遺卷十九

錢塘陳世隆彥高選輯

陳 必 字

人俊卿子以廕仕官主簿

城山 一名穀

穀城巖穴似飛來十里湖光鏡面開  
夜雨松窗僧榻靜秋風柳岸釣船回  
尋幽便扣興雲洞來興還登呼月臺  
每對西湖吟咏處令人偏憶故山梅

沈東 字元叔 崑山人

游滄浪亭

草蔓花枝與世新  
登臨空復想清塵  
只今惟有亭前水  
曾識東風載酒人

李思行字刪山永嘉人

彭城

一水淵渟綠不波  
四山玉立碧嵯峨  
城頭芻石黃樓賦  
臺上風雲赤帝歌  
竹帛有香豪傑在  
山河無恙廢興多  
男兒要作千年調  
戲馬臺高石磨<sub>可</sub>

漂母墓

登壇拋却釣魚竿  
廟食難酬一飯恩  
春老五陵佳氣歇

近來誰復念王孫

石牛行

寒牛敲鉢秋江烟五丁擔落石一拳驚濤拍岸撼不動  
夕陽老背供鴉眠天荒地老煮白石頑懶不顧蒼苔田  
騰天卧地蒂佛性尚肯遠護風濤船沉深蹄轉重鼻缺  
人難穿既不能西推紫氣度函谷五千道德  
言神仙又不能糞金開秦塞隔絕鳥道四萬八千年渴  
奔一斗酒傲兀廬山前潢池刀劍賣已盡貞觀斗米方  
成錢雨犁急趣勾芒起不然碎汝春風鞭

虞

儔字付印

監國人隆興初舉進士第仕至兵部

和姜梅山

當年寶婺我為州錦里先生得唱酬  
一自江頭分袂後至今空想暮雲愁

州縣豐登公事少凝香燕寢只吟哦  
樂天長短三千首爭似斯民擊壤歌

隆按姜特立有和虞守感秋詩疑即儔也

李

執字

富陽人

三學院

在富陽縣

遠岫遙來更爽孤雲徙倚長閑飛出偶成霖雨歸來依  
舊青山

馬之純字師大東陽人隆興進士

### 白鷺亭

白鷺亭前白鷺飛山如屏障水如圍水中獨立鸞鏡  
沙上羣行雪滿磯白日不來爭碧樹有時同往送斜暉  
江山得此真成畫撩得游人不憶歸

### 陸機宅

只聞二陸住華亭却有書堂在秣陵如此弟兄無比擬



翕然京洛有聲稱  
群亡著論真難及  
受命專征若易能  
十萬河橋俱潰散  
儒生虛語不堪憑

沈約宅

飽觀明月雙溪水  
偏倚清風八詠樓  
但見遺蹤曲瑟女  
安知故宅在昇州  
文章至好雖堪羨  
節行全虧亦可羞  
看得齊梁相禪際  
只宜稱隱不稱侯

吳世延

鼓角山

黎明騎馬出城關  
鼓角山前訪故人  
白水一陂浮鶴背

青田千里疊虬鱗

史蒙卿字景正鄞人學者稱果齋先生南遊理學

感事

宮花攢曉日仙鶴下雲端自是傷心極那能着眼看風  
沙兩宮恨煙草八陵寒一掬孤臣淚秋霖對不乾

趙汝鐸字鳴道永嘉人汝監之弟

水心新居

開扉待嘉客沽酒解閒愁半夜秋霖歇浦塘寒水流風  
聲生葉底月色在沙頭憶着鱸魚美松江有舊游

戴

溪字少望永嘉人登淳熙進士官至端明殿學

送王木叔黃州教職

龍飛乙科郎白面如琢玉去作幙下士年少二十六壯  
心直如弦不耐公事曲監知太守尊筆吏警犀目太守  
豈不賢去郡束鉤軸銓曹有格法那肯煩薦牘依然舊  
官職再傍天之麓六考未作縣冷官到淮服向來豪氣  
舉斟酒能半斛只今長說病伏飲在胸腹皇皇一世憂  
隱隱兩眉蹙中年苦節省未必不為福我生更迂濶立  
意要違俗誤使塵網嬰同君被經束兩家各生子丁壬

合天祿但得佳兒婦兩翁志願足岷山有舊約相從結  
明朝江上館持被共君宿

陸九韶

躍馬泉

靈泉蓄幽憤躍石作良馬奔騰曳練駛追風非汎駕行  
健石有跡氣驕珠汗灑何當奮厥志萬騎陰山下

鳴玉泉

竭來坐幽亭恍在崑山曲清越聲盈耳羣玉琢良玉又  
疑躋金闕仙班珮相屬圓環碎瓊琚登降互擊觸灑然

襟袍爽無處著利欲不貪以為寶對此景高躡

試茗泉

邂逅成山行往往有異景奇峰爭呈露獨不見試茗處  
迤即道周澄泓得幽井清之不可濁凝然如自省龜蒙  
於越來倘亦煮石鼎豈為渴者甘醉夢當一警

月石

玉兔愛佳泉佳泉化為石規圓立山趾萬古終不息應  
厭舊經纏盈稀多闕夕自從寄茲踪表表無晦蝕光彩  
雖暫埋體素得不易神物豈終潛早晚照九城

王 栢字本叔永嘉人登乾道第官禮部郎中

登浮光四望亭

長年忍淚說中原望徹中原隔戍垣誰遣江淮限南北  
從來宇宙一乾坤功名紙上徒虛語歲月誰邊恐斷魂  
老矣叫閭無處所倚空長劍與誰論

觀梅

誰見梅花正發時江天雪意欲垂垂疎枝冷蕊春無幾  
斷水殘雲意自奇疎影偶因明月見暗香惟有好風知  
何人更起調羹手莫道功成結子遲

南康泊舟欲遊廬山值雪

春風浩蕩江湖客  
咫尺廬山風雨急  
門前老樹最閑情  
一夜想思頭盡白

趙汝登

鳳凰臺

龍虎帝王宅  
鳳凰仙子臺  
六朝遺事冷  
八月夜潮回  
隴鴈秋仍到  
江花晚自開  
憑高一樽酒  
何代獨無才

傳誠字

人潘熙進士

妙處觀二首

會宴瑤池阿母家。九霞光繞翠瓊。坐中一曲山香舞。

帽上看看有落花。

天風萬里擁霓旌。紫鳳青鸞上玉京。故宅一區千古在。  
夜深惟有月華明。

徐師仁

登瑞巖山

乘携筇登絕巘。朝爽薄危欄。采勝移杯。竿憑高憶羽翰。泉  
聲穿石響。樹色入秋寒。對酒頻長望。心同渤海寬。

任希夷 字伯起。卽武人淳熙進士官尚書。



南朝故迹惟天禧鳳凰臺鹿苑寺邨氏窟為最  
久

有泉何取臺儀鳳事佛空教后作蛇狐穴蟻巢零落盡  
却能留此梵王家

行宮口號二首

絳闕前頭天闕橫春烟收盡兩峰青中流淮水成河漢  
旁列鍾山作御屏

新青染徧金堤柳廢綠羞開玉樹花今代離宮呈氣象  
六朝荒址滿桑麻

林夢英 字叔虎

碧澗書堂

臨川遇鄒君示我銅陵辯相邀遊其間百聞須一踐自  
從雙耳聳已辨兩足繭武彛乃招隱仙都輒策蹇遙睇  
麻源村夢思勞輾轉今披碧澗記華岡訂訛舛疑信吁  
福莫論是非爭之福但欣泉石奇堂成書可輦晁候雲夢  
胸妙處參墳典家有萬竹坡琅琳閭營翦徘徊康樂舊  
此興尤不淺人生貴自得假物非至善山川侈具逢所  
託名偕顯嚴光釣於灘叔子登乎峴氣象不抵推吾徒

志當勉相思邀未到烟霞日舒卷惟應原上月共照人  
孤獨

孫應時字季和餘姚人登進士初為黃巖尉後通判  
邵武軍

黃巖溪

得雨溪聲壯無風雲氣多山花依翠竹灘石亂寒莎  
焚父谷中出牧兒牛背歌逢人問塵世擾亂意如何

史浩字直翁鄞縣人紹興進士歷右丞相封魏國  
公進太師封會稽郡王謚文忠

咏青櫺子產四  
明山

羽憶新從帝所回餘惟米盡玳筵開醉拋青子香泥上

留與仙家取次栽

嚴光墓

玉匣蛟龍已草萊一丘烏麓尚封培  
雲臺若也表名姓千古誰知有釣臺

周南康錫四體堂贊

宦遊寡偶不如投閒言之孔易行之則艱  
公乎勇退雙鬢未班藥月蘋風誰復追攀

賜宴澄碧殿抵暮錫金蓮燭宿玉堂直廬  
命作季秋中浣日淳熙隆四禩朝回攬轡  
閭中使俄傳肯少

頃日轉申宣召陪燕喜預令掃玉堂深夜備棲止悚懼  
跪承命鳴騶亟穿市絳闕聳皇居非烟常靡靡入自東  
華門熊羆森瓜士詔許乘肩輿安徐無跛倚復古趾選  
德相望幾數里脩廊按雲漢峩光燦珠葉中途敞金扉  
恍若蓬壺裏羣山擁蒼壁四顧環弱水山既日夕佳水  
亦湛無滓水簾映綺疏瓊殿中央峙澄碧耀宸奎龍神  
爭守視蹈舞上丹墀天成不違咫奉觴祈萬壽時蒙一  
啟齒餘波丐鼠腹酒行不知幾徘徊下瑤席緩步煩玉  
趾從遊至清激錫坐談名理衆聲韻琴瑟一洗箏笛耳

皇云萬幾暇觀書每來此論道及帝王直欲齊其軌堯  
舜禹湯文前身無乃是臣言非獻諛道實由心起既然  
明是心要在力行爾登橋礪餘罍飲興未容已金蓮引  
雙燭再拜離階祀玉音寵諭臣此會宜有紀歸途感恩  
榮占寫志翫骸

### 東錢湖

行李蕭蕭一擔秋浪頭始得見漁舟晚烟籠樹鴉還集  
碧水連天鷗自浮十字港通霞嶼寺二靈山到月波樓  
于今幸遂歸湖願長憶當年賀監游

陸 垓字子高高郵人紹熙元年進士官和州守

送奚宰

茂宰慈祥意三年只似初折腰寧為米掣肘固難書機  
靜波浮鴻荆疎網漏魚終然清議在袞字到公車

醜梨

我邑之東有醜梨貌雖惡風味絕勝聞嘗進御因賦  
五言

灰貌凝清古霜津溢澹甜面嫌湯拔白心慙邑中黔美  
實種寒谷珍嘗近御奩徒冠玉爭得似無鹽

和姜宰春風樓卽事

恍然楹楠架虛空  
意象經營九仞功  
三載笑談杯酒裏  
一時人物盡圖中  
金蘭託契從今始  
玉燭迎和與衆同  
却笑焚臺雕篆客  
強生分別說雄風

程

瑞

字希鳳饒州人與馬廷鸞相反

詠梅

清淺溪橋水高低  
籬外枝這些風骨  
異瘦盡古今詩

郭

巖

字魯瞻

人醫士

松徑



一逕深且紆森森蔭松相清風池上來幽思與之發逸  
響諧素琴涼陰散清帙弘景或可邀高懷共披豁

過從叔猷園

風流吾大阮嘉遯狎鷗盟築得野亭曠到來雲水清斜  
林收橡實涇水給茶鐺翻笑夫公拙買山空得名

顧況讀書堆

昔人何處讀書聲此地猶存舊日名衰草閉門黃葉冷  
香林藏映碧雲橫地連楊李山河壯江遠吳淞日夜鳴  
陳迹已憐荒泯久憑欄惆悵有餘情

呂源字

零陵人

和張洵蒙亭詩韻

九溪灘水接瀟湘萬壑千巖羅水旁七星高聳生輝光  
連天一色皆蒼蒼倚江景物似錢塘況有萬戶新醅香  
古洞相對舉清觴文淵遺迹徒悲涼安得石枕與藤床  
夢想昔人風味長滿車薏苡勝琳琅流傳千載事微芒  
男兒生即志四方將軍異代猶封王感時撫事心茫茫  
願我豈有籌策良報國志願不敢忘此身未收歸江鄉

靈巖

憶別老君洞今逾二十年重來持漢節又復冒蠻烟風  
物總仍舊霜華徒自憐不如歸去好趣辦五湖船

呂

江字

零陵人

栖白庵

門外竹千箇崖顛兩遇分奔泉流碎月高樹礙行雲游  
客倦欲臥道人言少文但云秦學士曾此遇茅君

郭彥章

字名

吉水人與劉桂隱劉中齋講學有詩

題廬陵義士傳

淮海風颶吹血腥青原不改舊時青中朝將帥論功賞

不及江南一白丁

題新淦劉貞女傳

百年節義伏英豪一死翻憐女子高  
不敢高歌題卷上轉喉恐觸舊官曹

盧祖皋

字中之永嘉人慶元中登第嘉定中為軍器少監有蒲江集

玉堂有感

兩山風雨故留寒九陌香泥苦未乾  
開到海棠春爛漫  
搭頭時得數枝看

松江別詩

明月垂虹幾度秋  
短蓬長是繫

暮烟疎雨分攜地

更上松江百尺樓

胡 槩

字什方

人  
宣宗朝官至  
郎尚書

遊玉巖印事

誰穿石竇徹  
瑤空絕勝吾儒一畝宮  
縱使風雲來蔽塞  
此心原自與天通

玉巖石刻

清獻漁溪二老仙  
風流俯仰一時賢  
摩挲石刻追前躅  
坡叟遺文媿續鐫

玉巖志歸

穹巖如屋聳翠飛竹樹參差一徑微  
凌絕空虛真出世  
徘徊朝夕竟忘歸

玉巖遺蹟

陽公舊隱尚依然  
鬱鬱松筠鎖翠烟  
一世辛勤躬筆墨  
只緣種玉不逢年

趙雖字

人間禧問處州太守

煙雨樓

畫棟飛雲暮靄寒  
樓臺城堞有無間  
煙收雨霽曾看否

見盡東南萬疊山

凝霜閣

在處即舊治  
太守楊億建

修竹蕭蕭三兩竿  
公餘時得靜中看  
何須更避人間暑  
滿腹冰霜六月寒

蒲瀛

游咒土寺西臺

偶到城西寺  
人言咒土墳  
夕陽臺半出  
秋草徑才分  
地下無紅粉  
天邊有碧雲  
徘徊追往事  
風急葉紛紛

黎道華

擬峴臺

我因訪古獨來遊萬頃風煙一目收  
靈谷諸峰排檻出巽溪幾曲抱城流  
帆櫓影亂汀洲晚蘆葦聲寒鴈驚秋  
墮淚豐碑那得見片雲落日足襄州

明水寺

寒日荒荒野外昏亂山深處訪祇園  
一條澗水穿龍洞十里松陰蔽寺門  
衲子茹蔬惟鶴瘦吾儕飲酒作鯨吞  
夜闌笑語喧空閣驚起棲鴉過別村

黎近



擬峴臺

美

十年曾陟峴山嵬  
老大重登擬峴臺  
落日川光分道出  
隔汀山色入城來  
鴈聲遠度衡陽去  
帆影疑從漢口回  
好唱銅鞮醉花柳  
不須揮淚灑莓苔

李

鐔

字希聲

人仕至秘書丞

題四時景畫

九江應共五湖連  
尺素能開萬里天  
山杏野桃零落處  
分明寒食曉風前  
繁英雜樹映沙汀  
三伏江天自一家  
欲喚扁舟渡雲錦

平鋪明鏡是荷花

春鋤寂寞繞疎叢  
霜後雲生浦溆風  
此處年年報秋色

只應衰柳與丹楓

剪水飛花細舞風  
斷蘆洲外水連空

何似今朝眼界中

宋詩拾遺卷二十目錄

蘇大璋

一首

史文卿

六首

趙汝棋

一首

蔣

旦

一首

求仲弓

二首

左

緯

七首

孟大武

二首

蔣

晉

一首

王居安

三首

吳

芾

四首

王

珏

一首

趙立夫

二首

趙汝喙

一首

徐似道

一首

危

和

一首

董荆楚

一首

趙子覺

一首

王明清

一首

黎仲吉

一首

徐良佐

一首

趙汝湜

二首

錢

樵

一首

范良龔

一首

戴

堃

一首

三

郭昂一首

趙潛夫一首

葛紹體一首

林逋子三首

范西堂二首

李璧二首

陳塏一首

陳塏五首

楊濟一首

杜純佑一首

錢聞詩二首

張樞一首

宋詩拾遺卷二十

蘇大璋字顯之古田人  
慶元五年進士

錢塘陳世隆彥高選輯

鳳神峰

在台田縣  
五花石

早起聯鑣上翠微  
瞰虛歷級步嶽嶽  
昔聞華頂蓮生藕  
今見南山菊滿籬  
縱眼橫看天地闊  
壯懷惟有鬼神知  
安期引我丹霄路  
十里雲烟特地披

史文卿字景望

種梅

呼童耕雲種瑤樹斗掛青冥下風露隔林野鶴不知寒  
為我飛來復飛去

素與梅花自有緣又移幾本種庭前鏡中一半閒風月  
不屬王郎載雪船

### 惜春

秀麥條桑薺薺寒錦屏殘雪怯衣單惜春只怕春歸去  
多挿瓶花在處安

### 秋詞

寫就秋詞鴈影稀背燈無語獨眠遲畫欄點滴芭蕉雨

一夜將愁向阿誰

桂枝風動小山幽  
雨過陂池水漫流  
擬作楚騷吟未了  
一行新鴈數數秋

枯梅

樛枝半著古苔痕  
萬斛寒香一點春  
總為古今吟不盡  
十分清瘦似詩人

趙汝棋

疑是汝棋

宿山隱齋

平生悅山隱  
一室容我借  
弄泉掬明月  
坐石延清話  
既

調松下琴復作松風瀉仙人搗藥禽獨叫青山夜

早

蔣旦

柘川漁火

桃浪流香春雨餘漁燈深夜出溪湄半逢明滅風生處  
數點微茫月上時影落沙汀鷗夢斷光搖蘆葦鴈樓遲  
明朝解纜滄浪外濯足船頭唱竹枝

仲弓

蛇首巖

石如蛇首隱林端未得風雲且蟄蟠俗眼莫言無變化



特生頭角始堪觀

靈龜潭

江湖雖闊多罾網  
幽澗清虛且勉旃  
待我功成買艾鶴  
歸來伴汝一千年

左

緯字經臣號委羽黃巖人

許少伊被召追送至白沙不及

短棹無尋處  
嚴城欲閉門  
水邊人獨自  
沙上月黃昏

委羽山

委羽不知何處是  
倩人扶上木蘭橈  
欲尋去路花梢密

爭認行雲酒浪搖。流水忽隨山脚轉。洞天疑把杖藜挑。  
迢然不覺東風晚。殆有仙人弄玉蕭。

### 九峰山

恰恰鶯啼欲曉天。喚人擔酒入林泉。沿崖覓路僧先引。  
選勝看山席屢遷。心靜掉頭嫌鼓吹。酒狂揮手弄雲烟。  
日斜數點殘紅下。芳草菲菲索醉眠。

### 次翠亭

地勝多喬木。亭幽闕古壙。春梢經雨合。晚色過烟濃。  
影落琴書遍。散穿戶牖重。鸞棲應不久。枳棘若為容。

石新婦山

烟蘿為髻霧為中獨立江邊經幾春  
無故被人呼作婦不知誰是畫眉人

天台道中

亂山深處是仙家海變桑田日未斜  
為有慈親倚門望却愁溪上見桃花

桃源洞

劉郎何用憶塵寰舊路重尋事已難  
古意飄零無處覓藤縈溪色土闌干

孟大武

殊勝寺

路入溪聲遠秋深樹影稀  
岫雲藏鳥語松露滴人衣  
詩戰蜂腰怯茶分粥面肥  
勝游殊未厭肯與夜寒歸

春日晚望

屋角風微烟霧霏  
柳絲無力杏花肥  
朦朧數點斜東裏  
應是呢喃燕子歸

蔣晉

柘川漁火

玉川一帶光涵秋  
漁艇縱橫網罟稠  
西風日落寒烟暝  
煌煌燈火明中流  
數點如螢走絡繹  
影趁流波瀉金液  
一鼓歎乃明滅間  
鄰難又報東方白

王君安

送劉改之 二首

劉子堂堂七尺軀  
高談世事奮髯鬚  
觀渠論到前賢處  
據我看來近世無  
出語令人驚辟易  
處貧無鬼敢揶揄  
徜徉閑市渾無畏  
要是人間烈丈夫

不識劉郎莫便語  
酒酣耳熱未全疎  
士當窮困能無慊

我自斟量愧不如橫槩賦詩俱有分輕裘緩帶特其餘  
當今四野無塵土宜有奇才在草廬

游委羽山

幾日山不到到山心自清稜稜有方石拾得通仙靈

吳 芾

登景星巖

道滿三千界潮音未許緘何為獅子座却上景星巖天  
近雲隨步林深翠滴衫我來寧憚遠端欲洗塵凡

登凌高臺

宦情一似秋容薄  
歸興渾如酒味濃  
臺上望卿何處是  
夕陽影裏暮山重

北望

延福池臺荆棘深  
上皇無愛更登臨  
寂寥崇觀當年事  
愁絕關河萬里心

漠漠黃雲塞草低  
年年空說翠華歸  
孤臣泪盡仍膏膽  
白首江湖鴈北飛

王珣

空明洞

瑤草琪花半已空洞門寂寂自春風千秋隻鶴無時返  
安得蓬萊有路通

趙立夫字德成樂清人登開禧第官至刑部尚書

謝劉潛夫寄示詩卷

坑灰冷秦火刀筆起漢舊典謨慨已遠賦頌紛相授調  
律起建安沿流及元祐上下二千載統脉如線溜渡江  
又百年諸老凋喪後靈珠繫誰握絕唱不可復我行東  
南野文星忽當晝雲章發元秘天筆拈宇宙風雷膏澤  
沛金玉淵海富奮然蛟龍興繹若韶護奏函開魑魅走



語奪江海秀，想當落筆時。真宰森左右，要為後世法。何止雞林售，早膺頭角起。晚悟軒冕謬，芳蘭委蕭艾。嘉植梗，良莠造物豈終嗇。意者其獎就吾裏，不能進硯墨。如仇寇大鐘，屹於前縮手。不敢扣轅岳，何所知管蠡。祇自陋，猶將策駑蹇。延首冀領袖，已同南方游。何幸遇子厚。

臘日偶書

近日斗侵寅，南天雪不成。梅梢動生意，禽鳥弄春聲。鬢逐年華換，身資藥力輕。聽傳吳蜀事，對酒不能傾。

趙汝吟

棲真洞

在大滌山

幅巾灑松露雙袖抖衣塵可耐人間暑未尋澗裏春座  
分雲骨冷屐隱菴紋新鶴近清尊舞如留欲去賓

徐似道

字淵子號竹隱天台人

白龍洞

靈仙窟宅不多見車馬往來成再游後洞白雲前洞出  
上池紅葉下池流水花照眼明金鯽石髮藏春護玉虬  
邂逅尚青遊子眼栖遲應白老僧頭

危和字

人間禧進士

積翠樓

着我高遠堂恍若非人世一榻臥白雲清寒不成寐松  
竹四山秋颼颼驚客耳誰在隔窓中朱絃寫流水

董荆楚

瀛巖

巖根商舸集高枕巖頂朱門小殿開未信瀛洲環弱水  
始知鰲背負蓬萊青山到海重重小白鳥隨潮兩兩來  
坐久松風吹骨冷此身渾覺在瑤臺

趙子覺

字彥先號雪齋

人超然居士令衿之子

書懷

柳影槐陰綠遶村

一作廳

日長細得話詩情  
迎風紫燕忽

雙去隔雨黃鸝又一聲  
筆墨生涯成冷澹  
筍蔬盤饌易經營  
世間微利真刀蜜  
有底驅馳取重輕

王明清

字仲言汝陰人

郭世禎李大正李泳多館於安國家  
春日諸友同遊西湖至普安寺  
於窗戶間得玉釵半股青  
蚨半文想是遊人歡洽所分授  
偶遺之者各賦詩以紀其事

淒涼寶鈿初分際  
愁絕清光欲破時  
留與人間作佳話  
綠窗瓊戶老蛛絲

黎仲吉 字漢儒 寧都人

### 留題金精山

昔人鸞鳳色冲天  
吳芮遺祠在洞前  
氣勢徒知凌宇宙  
干戈無力問神仙  
謾輕龜玉傳王業  
空得松杉接洞烟  
一等辛勤鑿巖穴  
禹門千古事仍傳

徐良佐

### 澄虛亭

一溪水浸羣峰綠  
 漱澗長湖澄數曲  
 波光如練映危亭  
 倚檻最宜凝遠目  
 亭前日日舟人行  
 千里萬里風帆輕  
 長汀回首望不盡  
 接天嵐氣何其清  
 隔溪南下乾元路  
 古松峭拔藏禪宇  
 餘不祠前千尺潭  
 昔有靈龜曾左顧  
 時遷歲改名獨存  
 德清從此民俗淳  
 淳山奇水秀冠南國  
 是處疑有桃花源  
 過橋稍轉十餘步  
 家家相向開朱戶  
 大都川澤氣多寒  
 時時猛點菰蒲雨  
 晚來忽霽涼意新  
 一片兩片歸巖雲  
 惆悵王維不在世  
 把筆欲盡今無人  
 老夫歌詩久不作  
 對此吟情豈宜薄  
 簿書推去試新吟

眼前好景難道着城中美酒斗十千  
浦口魚肥賣得錢  
夜深却羨漁翁樂醉抱溪心明月眠

趙汝湜

題洞霄二首

巖岼列千峰一柱屹翹楚回復蘊奇秀有此雲霞所巖  
封五里霧松撼半天雨深知境未窮正欠驚人語

洞府日月間氣象自清楚  
力閑啟天鑰容我朝帝所清  
綠宿仙館夢破石泉雨明朝得羊珠試向張華語

錢 顥

溪上

秋老蘆花冉冉飛  
曉天寒氣襲人衣  
輕橈棹入鷗羣去  
釣得鱸魚帶雨歸

范良龔

字

吳門人

妙庭觀

在富陽縣相傳為董雙成故宅故山下  
多董姓天聖中道士鑿地得升鼎銅盤

我昔遨遊周八極  
玉京金闕俱經歷  
翩然騎鳳下瑤池  
如與變成獲相識  
變成侍燕王母旁  
道貌方瞳照人碧  
玉笙吹徹奉瓊觴  
范子從旁丐餘瀝  
東方曼倩謂余言  
汝亦名在地仙籍  
鳳城南望好溪山  
此是元君故仙宅



琉璃槃上存金鼎  
鼎內丹砂如琥珀  
汝能服食早歸來  
與予同是逍遙客  
我時貪醉蟠桃春  
不記當年說仙蹟  
一朝酒醒人世非  
盤碎丹飛香難覓  
香風堂上久徘徊  
蘇李題詩掛空壁  
觀有太白東坡詩  
孤雲野鶴謾興怨  
我獨摩挲問金狄  
世人勸我服丹鼎  
我亦何嘗苦營役  
丈夫自有大還丹  
得道不分今與昔

戴 堃 字養伯改名蒙 人嘗從晦庵先生遊

### 暮春偶成

家住柵溪欲盡頭  
茂林修竹不勝幽  
菰蒲漲綠蛙專夜

榆葉吹寒麥半秋  
修禊從教非節物  
舞雩元自有風流  
明朝酒醒春猶在  
更向長潭棹小舟

郭昂

字百二

人國子監助教

坐黃岡廣福禪房

愛此禪栖靜清涼境自偏  
說人拳怪樹留客笑幽蓮  
草暖蛙喧夏林昏鳥夢烟  
風塵吾未免兀坐愧安禪

趙潛夫

字景壽黃巖人嘉定進士

題絃風亭

怪他蟬金壕房地不是吟情住  
亦難數尺短牆圍盡寂

半鈎疎箔障春寒水生草滿蛙鳴合日薄花陰鶴夢寒  
底處青衫病司馬浩歌東望取琴彈

葛紹體字

建安人

招鶴所詞為漱浦監稅趙潛夫作

君之來兮鶴自九臯駕以去兮渺天地而逍遙縞衣元  
裳兮橫大海之驚濤雲旂先驅兮霓旌旖旎月皓皓兮  
風灑灑青山之上兮黃灣之下挹北斗兮椒漿羽扇綸  
巾兮佩璆鉞盼而笑兮玉潔冰光鳴鳶鳳兮舞龜鼉馮  
夷鼓兮虞妃歌魚咏龍吟兮蛟螭護訶蜺言歸兮南浦

飄飛兮過舶艖  
春復秋兮終古

平

林逋子

鏡香亭

綠楊深處兩三家  
幾度憑欄聽沸蛙  
雲錦已空烟水闊  
空教人憶舊時花

宣公祠

仁義百篇同孟子  
排奸勁節凜秋霜  
人生一死固不免  
死落忠州骨也香  
二年舊事隨流水  
一縷殘香子蜀魂  
門掩落花人不到

野風吹月照黃昏

范西堂

金雞城

夢裏家山竹裏鐘  
金雞山下快掀篷  
垂楊不隔邊一作他  
樓月宿酒吹殘楊柳風

明水寺

環山清淺一溪水  
夾徑高低十里松  
烟鎖石門疑路斷  
斜陽影裏忽聞鐘

李

壁

字窮章丹稜人  
嘉第三子父廕入官拔蔭進士  
第歷資政殿學士謚文懿

龍鵠山房

蕭條白石閉嚴扃留作進人萬古情  
猶有山中舊時塵  
舉頭如聽讀書聲

太行山

跨連燕岱壓中州  
秀色浮空晚未收  
如此山河落人手  
西風殘照懶回頭

陳

壇

字子真  
崇德人  
官尚書

極目亭

誰知極目名亭意  
不在登臨與品題  
天地兩間同汗漫

江淮一水自東西驚樓何日能歸鴈靈異當年任照犀  
萬境盡從心上化靜參飛躍悟端倪

陳

頊

字伯和鄞縣人嘉定中進士官至吏部侍郎

茅山

縣在鄞

三茅高出七山巔頓隔塵沙道路千靈籟蕭蕭風笛弄  
奇形奕奕隴牛眠人間已有嘉平帝地下誰通句曲天  
幸喜吾廬居在此時從寄傲任悠然

### 次滕岑韻山居

解組滄溟畔携家紫翠間地臨雙港勝天與兩年閒茅

屋靜聞雨竹籬疎見山所慚鄰舍老句陰不容攀雙港  
者祠

盛縣東分水港鄉  
舍老即滕元秀

### 分水道中

午困思茶無處煎溪橋側畔認炊烟松窗竹牖人家靜  
旋借沙瓶汲水泉

### 西山

對面莫橋港西山第一家有林皆橘樹無水不荷花竹  
下晴垂釣松間雨試茶更瞻東挂綵空翠離朝霞

### 釣臺第十九泉



十年不泛釣臺船  
夢想高風日月遶  
今日偶來無住著  
再嘗灘下鬻茶泉

楊

濟

字濟道

人淳熙五年進士歷著作郎出知果州有鉅齋集六十卷

雲安龍脊灘

洞庭老龍時出沒  
萬斛舟航皆辟易  
此龍脊背已鐵石  
肯逐時好作人日  
我呼邦人來踏蹟  
恍然如見河圖出  
大巫雞卜占雲吉  
小巫竹枝歌轉激  
飄石楊沙障江色  
塵埃何處不相襲  
摩挲石刻聊偃息  
恐有老人來橫笛

杜純佑

廊臺

兩載低眉著小冠一臺高築地平寬  
向陽花木齊教放天下無春似此間

錢聞詩字子言成都人嘗知南康軍與朱子交承

仙居洞

仙客神人幾度行環山岌業似重城有門不掩寒溪月  
終日水流無盡聲

嚴陵釣臺

無復塵勞夢猶蒙故舊知  
宣辭萬鍾祿不負一綸絲

張樞

茅山

今古茅山是勝遊，秀峯突兀繞滄州。  
雲含老樹迷還散，石擁甘泉咽復留。  
未見巖風晨下鶴，祇聞澗月夜鳴蜩。  
道人不是悲秋客，黃菊丹楓相對愁。

宋詩拾遺卷二十一目錄

趙崇滋

三首

吳天定

一首

趙汝迓

一首

朱子恭

二首

曹

幽

二首

路德章

一首

姜大民

一首

徐

鼎

一首

張天翼

一首

呂徽之

五首

張

七首

翁

森

四首

張湖山

一首

趙與東

二首

郭庭秀

二首

史

蘊

一首

蔣重珍

四首

李

新

三首

林斗南

一首

梁佐厚

一首

史安之

一首

杜善甫

一首

徐文卿

一首

吳中孚

二首

徐照一首

李韶一首

江表祖一首

陳在山一首

謝無競一首

馮元衮一首

張湛江一首

陸德與一首

輔廣一首

曾原一首

劉朮二首

林一首

林一首

趙善思一首

陸九齡三首

章樵二首

宋詩拾遺卷二十一

錢塘陳世隆彥高選輯

趙崇滋

字澤民永嘉人汝回之從子登嘉定進士第

趙客州新居

舊日冰心路新添趙倚樓詩名不寂寞此地合風流隔  
浦荷花雨當門杜若秋有時清興到夜半喚孤舟

春晚

水邊寂寂蒼苔晚猶有東風為揜扉一硯落花人睡起  
半簾微雨燕飛歸舊時小草塵侵戶隔日餘薰潤入衣

客又不來吟又懶  
小山相對掃金蕪

五十六

客舍

巷深人寂靜  
蛩守客牀鳴  
夜半後風雨  
一燈前弟兄  
愁來無好夢  
吟到有新聲  
不信看雙鬢  
蕭蕭白幾莖

吳天定

散策

孤坐忽不樂  
出門聊散行  
溪喧亂人語  
樹偃礙農耕  
雨徑莓苔積  
陽陂草木明  
道逢九十老  
相對話承平

趙汝迵

字叔午  
樂清人  
登嘉定第  
食判雷州

枯蒼舟中

樹古半成槎溪邊歷歷斜寒林欲無路水塢不多家去  
客背流葉停舟見暮鴉朝朝看秋水頻減一痕沙

朱子恭

出郊即事

水滿牛畔犢後隨早田大半已翻犁趁時浸穀清明近  
次第秧針綠又齊

經行阡陌日遲遲桑柘纔方吐綠枝只為峭寒交節晚  
村家却是拂盤時



招義驛

霜林紅葉趁桐花路轉崖根百尺斜  
霽日斷雲成徙倚  
湘南秋盡未還家

曹

幽

字西土號東畝瑞安許拳人登嘉定第官至寶章閣待制謚文恭

鳳凰山

鳳去寥寥今幾年至今人喚鳳凰山  
只愁有鳳無人識  
却指凡禽誤世間

春暮

門外無人問落花綠陰漸漸遍  
天涯林鶯啼到無聲處

青草池邊獨聽蛙

路德章

盱眙旅舍

道旁茅屋兩三家見客搗麻旋點茶  
漸近中原語音好不知淮水是天涯

姜大民

字睦州人以孝行聞方愚衆極其耽情  
丘壑篇志古道

洪遂良自京師東歸贈以詩

故山西郭有園林之子東歸抱短琴  
衣錦未論當日事首丘聊慰阿翁心  
春風桑梓歡娛極秋雨松楸感慨深

莫寫涓陽圖畫裏令人披閱重沾襟

奚

徐 鼎 字太古號清源永嘉人

哭朱龜巖

掩涕愁相向風淒日滿籬舊交無一在哭子有餘悲暗  
竹扃書牖孤燈上蕙帷寡妻惟抱子具說病來時

張天翼

同顧狀元玉文登瑞巖

迢迢何處覓仙關翠竹蒼崖夕照間倦鳥依依穿石磴  
落花歷歷點苔斑春殘幾負層霄約肯白盞辭絕壁攀

乘興相攜遙躡屐一樽聊與賦青山

呂徽之

題畫梅贈黃君

黃君畫梅天下奇  
枝枝筆底如龍飛  
幹盤屈曲蒼苔古  
老樹頃刻生光輝  
婆娑月下弄清影  
更有幽香襲詩境  
地僻從無車馬塵  
間關翠禽啼夢冷

春景

前溪凍解綠生波  
好雨催花向曉過  
宿酒未醒眠未起  
半窗紅日鳥聲多

夏景

竹几藤牀石硯屏  
薰風簾幕篆煙青  
空齋數點黃梅雨  
添得芭蕉綠滿庭

秋景

商聲早已到梧桐  
夜氣生涼湛碧空  
閒倚小窗待明月  
紫簫吹徹木樨風

冬景

斗空蕭蕭日晏眠  
疎狂惟與懶相便  
尋常甲子無心記  
看到梅花又一年

張

字子文

次韻何文縝墨梅二絕

偃蹇江頭卧夕煙  
嬾將玉雪開春妍  
心期老氏能知白  
興寄楊雄獨守元

仙衣雲樣拂輕縑  
林下神情特地宜  
妬婦津頭風恐急  
壞粧聊為水姿

墨梅三絕

筆端喚醒玉梅魂  
滿袖春風不見痕  
未許卷簾新月上  
却教煙雨惱黃昏

憶昨江湖倒載歸。暗香夾路雨霏微。誰人貌得春風景，  
遠有如煙近却非。

逸少池邊發興新。管城別作一家春。臨風玉笛無人會，  
鬢髮空歸想太真。

次韻秦會之題墨梅二首

南枝春色弄微溫。記得清香撲酒尊。今日相逢隔煙霧，  
揚州殘夢足銷魂。

長愛孤標似君子。不禁橫竹巧擠排。短幅離離乃遺像，  
至今寒蝶誤飛來。

翁森

四時讀書樂

春

山光照檻水遶廊  
舞雩歸咏春風香  
好鳥枝頭亦朋友  
落花水面皆文章  
蹉跎莫遣韶光老  
人生惟有讀書好  
讀書之樂樂何如  
綠滿窗前草不除

夏

新竹歷簷桑四圍  
小齋幽敞明朱曦  
晝長吟罷蟬鳴樹  
夜深燼落螢入幃  
北窗高臥羲皇侶  
只因素稔讀書趣



讀書之樂樂無窮  
瑤琴一曲來薰風

秋

昨夜庭前葉有聲  
籬豈花開蟋蟀鳴  
不覺商意滿林薄  
蕭然萬籟涵虛清  
近林賴有短檠在  
及此讀書功更倍  
讀書之樂樂陶陶  
起弄明月霜天高

冬

木落水盡千崖枯  
迥然吾亦見真吾  
坐對韋編燈動壁  
高歌夜半雪壓廬  
地爐茶鼎烹活火  
一清足稱讀書者  
讀書之樂何處尋  
數點梅花天地心

張湖山

寧壽寺

丹級纔升四望賒香銷無復夢豪華何來馬氏殫禪刀  
要擬龍宮作佛家樹老烟霜臺殿古石封苔蘚井欄斜  
上人不用蓮花漏自有林梢報曉鴉

趙與東

字賓陽號魯齋

人由宗學上舍改官

次韻方萬里雨夜雪意

茅火房陰處儵然類嬾殘雨欺梅影瘦風助竹聲寒擁  
袂衣全薄哦詩字欲安兒童疑有雪頻起穴窗看

次韻方萬里寒甚送酒

奎

連日寒殊甚  
哀年無一能  
硯呵磨墨凍  
瓶曬插花冰  
浮世無根絮  
餘生有髮僧  
蘇門如可即  
端合事孫登

郭庭秀

字潤甫

人醫士

自然仙井

仙翁去不還  
石井烟霧白  
誰能躡其踪  
勾漏良吾宅  
井空寒不流  
汲取不知夏  
披襟醉瑤華  
白榆歷歷下

史蘊

國清寺

十里松關路門開對洞天  
神曾獻地海衆此安禪  
鐘磬開巖谷樓臺跨石泉  
高峰智者塔長與赤城連

蔣重珍

字良貴無錫人嘉定進士第一官至刑部侍郎諡忠文

自題雲龍小隱

龍山錫山雨山雲出能為雨入氤氲  
雲山之氣有歛散歛散之理斯為神  
我廬山下有小隱雲為動兮山為靜  
悠然而出物之澤屹然而峙地之鎮  
我見雲山喜與俱雲山無情不見余  
我叱雲山多此見日日相看雨不厭

樂溪居萬卷樓三首

奎

小艇溪邊月來尋萬卷樓遂初讀書處

此指尤廷之也

鶴去白

雲留

剩有溪山樹書樓迹已陳故人不可見繞樹一悲吟  
萬壑注清流孤煙起暮愁龍山半溪落鴈影過書樓

李

新字元應

折楊柳

東風來何時百花已飄零獨有堤上柳慘淡含春榮  
扁舟復何適延客江上亭願無青玉案何以送子行  
攀條欲相贈上有雙流鶯流鶯正求友奈此離別情

漁父曲

黃蓑老翁守釣車  
賣魚得錢還酒家  
醉中乘潮過別浦  
睡起不知船在沙  
籬根半落秋江水  
推子蓬頭採洲芷  
蓴絲芹甲滿筠籠  
日暮溪橋得紅米

觀前古美人圖

壁月塵昏瓊樹秋  
無從百媚一回眸  
茶蘼香度梅莊冷  
鸚鵡聲低玉笛幽  
吐背但能知禍水  
逢春輒莫上迷樓  
歸來安守無鹽女  
不寵無驚共白頭

林斗南

字

樂清人

白石山

五

路迫紫紆行木杪脚力窮時山更好苦吟轉覺嘉句怪  
望遠方知衆山小登臨自昔知幾人留題石暗蒼苔新  
吁嗟開闢歲時久名字湮沒多無聞細觀天地無窮極  
百歲浮生真一息少和靈運縱垂名俯仰之間亦陳迹  
何如大人能達觀古今等視猶晨昏朝菌靈芝皆死爾  
彼有修短何足言往來盤薄何為者祇為幽懷未渠舍  
凭欄一覽萬境空轍迹何須遍天下

梁佐厚

高山堂

在賢積寺後  
僧擇璘建

危巔層閣倚雲平。一凭闌干醉魄醒。  
霖雨亂山生淡碧。帶風寒。竹有餘青。  
孤猿傍石。來深澗。幽鳥銜烟入畫屏。  
却讓高僧占仙境。蓬萊不獨在滄溟。

史安之

字子田。浩之孫。嘉定初知嵯縣。

高山堂和節度梁公韻

閣憑鬼構敞軒扃。一望塵凡自暫醒。  
巖障遠供千疊翠。松篁還聳四時青。  
登臨雅愛資吟筆。圖畫尤宜作座屏。  
我欲從君將來得壯心。方欲藉南溟。



杜善甫

字

濟南名士疑另有名

有嘗兵官逐戍其要宴客竟夕笙歌感賦

高燒銀燭照雲鬟  
沸耳笙歌徹夜闌  
不念征西人萬里  
玉關霜重鐵衣寒

徐文卿

字斯遠號樟丘信州玉山人嘉定進士興趙昌父韓仲止齊名

偶題

綠樹何稠疊  
清風稍羨餘  
枕縈雲片片  
簾透雨疎疎  
修笕通泉壑  
殘碑出野鉏  
丘陵知幾變  
耕稼雜陶漁

雨後到南山村家

衝雨入窮山山民猶開關橘垂茅屋畔梅映竹籬間  
奇石依林立清泉繞含灣吾思隱茲地凝立未知還

吳中孚

游和靖墓二首

墳草年年一度青梅花無主自飄零定知魂在梅花上  
只有春風喚得醒

片玉沉山草亦珍斷碑殘石當麒麟君王別為開門戶  
不欲梅花見路人

徐照

奚

青溪閣本梁江總故宅

葉脫林梢處處秋  
懷易感更登樓  
日斜鍾阜烟凝碧  
州桑落秦淮水漫流  
人似仲宣思故國  
詩如杜老到夔州  
十年前作金陵夢  
重撫闌干說舊遊

李韶字

人嘉定中進士官至學士

遊司空山

鶴馭凌雲入紫薇  
水盤山繞五雲飛  
松杉老盡無消息  
猶得十年一度歸

江表祖字

崇德人嘉定間舉特科

題平綠軒

碧瓦丹雘轉圜成一亭聊復寄閒情人如水墨畫中立  
山句烟蕪盡處橫舟入柳陰衝鷺去簷依波面陰魚行  
題詩每愧臨流意吟苦那知白髮生

陳在山

字

瑞安人

曉色

荒雞遞寒鳴寥廓弄清曙初陽未離海薄雲尚籠樹沙  
明宿鷺鷺蒼白行人語瓦餅自持汲正在月落處

謝無競

字

永嘉人

效香奩體

胭脂濕透污羅衣  
春盡前郎又不歸  
香冷篆盤簷影轉  
一簾紅雨燕雙飛

馮元袞

淮沙夜泊

寒鴈來時杖冷落  
蘆花飛處水縈迴  
家山本在江南岸  
却入淮南夢裏來

張湛江字

平陽人

客居嶺南

天風吹白波歸客欲如何  
炎國逢花早春船載雨過畏  
蛇焚瘵木防蟲種哀荷洞口  
商人婦時時送夜歌

陸德輿字載之崇德人嘉定進士官開國侯

### 平綠軒

帶市人烟遠連村野色幽  
山從天際出水向檻前流  
茅屋無端礙松膠有意留  
因懷陵谷感無語對歸鷗

輔廣字漢卿

### 資福院平綠軒

名區與利壠羊腸競攀躋  
誰能為芳草四曠成幽棲  
春

風一颭闌秀色無高低山遙不作障水近何妨堤只恐  
金氣寒黃枯變碧萋坐令羣目驚有似七聖迷人心無  
天遊六鑿相攘擠但於平處觀衆有何端倪日月互窺  
送景物隨非睽彼昏如執著惟君試金篦

曾原一

字子懷廬都人著有蒼山詩集

同戴石屏十人重游分韻得鑿字即席賦

綫遙盤遶回老壁出參錯洞深路欲無且進還悸愕太  
虛墮滓液有此奇偉作芮也勞斧斤此語失之鑿闕崖  
濕生雲泉雜雲影落殿頭何時仙怡然騎水鶴

金精歌

元龍捲雨翻東溟萬華變滅如輕塵電拳破瓦萬甲疾  
祇恐天地今無春東來一馬當軒下雲葉移剥天痕青  
雲開衡嶽韓子到此事恍惚今難憑桃源有路不可入  
桃花影絕那得尋喳喳鵲鳴拔烏起豈子偉語曰滄溟  
聯騎疾蹇踏脆綠見者謂我椒庭人瑤琴飛響暗雪瀑  
傑句泣畫逃山精胸蟠玉虹世李白筆舞鐵鎖今頗卿  
飛仙遺章出天韻引觴清酌球琳鳴泉淙淙兮靈鼓山  
崇崇兮太古神明有舍炳萬象何處人間非紫府靈根



曄曄貫元氣  
瞬眇蓬萊無弱水  
雲襪襪露泚泚  
珠簾兮方枰橘社同兮丹里

劉 朮 字大有瑞安人 登進士官至處州知府

酬卧雲

美人隔雲水  
廣永幾千里  
白日有沒時  
相思無窮已  
夜雨翳燈花  
涼風折窗紙  
披衣不能寐  
詎待聞雞起  
從來志士腸  
高若雪山峙  
豈不念摧折  
藉此可憑恃  
蔓草委地滋  
孤松挿天起  
咸若知我深  
贈言故及此

感懷

幾度言歸未得歸，歸心常切故山薇。  
人於愁處酒難著，春正好時花已稀。  
殘日明池蝌蚪集，綠陰滿院伯勞飛。  
浮生衮衮只如此，未必今朝悟昨非。

林

字石田平陽人

答王學士

已著山人屐，那能遠入城。  
艱難思變姓，老大畏爭名。  
病葉兼蟲下，閑雲背雨行。  
長懷陶靖節，出處意分明。

林

字杏村平陽人

旅中

辛

一劍隨孤影風霜道路長  
何人忽橫笛有客正思鄉  
古驛自芳草空山又夕陽  
啼猿莫添恨今夜宿瀟湘

趙善思

字

永嘉人

### 多景樓

壯冠東南四百州景於多處最多愁  
江流千古英雄淚山掩諸公富貴羞  
此府至今猶有酒中原在望莫登樓  
西風戰艦成何事只辦年年使客舟

陸九齡

字子壽

人學者稱復齋先生

鳴玉泉

竭來坐幽亭恍若崑山曲清越聲盈耳羣工琢良玉又  
疑躋金闕仙班珮相屬圓環碎瓊琚登降互擎觸灑然  
襟抱爽無虞著利欲不貪以為寶對此景高躅

爲湖示同志

孩提知愛長知欽古聖相傳只此心大抵有基方築室  
未聞無址可成岑留情傳注翻榛塞著意精微轉陸沉  
珍重反朋勤切磋須知至樂在於今

與僧淨璋

自從相見白雲間離別嘗多會聚難兩度逢迎當汝水

數年隔濶是曹山客來濯足旁僧怪病不烹茶侍者問  
不是故人尋舊隱只應終日閉禪關

章

樵

字

號峒麓昌化人登嘉定改元進士第  
歷官知建海軍授朝散郎知處州

白蘋湖

在昌化縣

屈曲連汀隱復明西湖奇觀到南屏

此昌化之南屏

萍花巧綴

玉鈿碧山色淨涵螺髻青隋女啼粧羞缺月秦娥望幸  
對明星主人約束當尊俎未放騷翁眼獨醒

伽溪

試將生計問農家兒大扶犁女漚麻燒筍甞葵供午餉

山中樂事是無涯

宋詩拾遺卷二十二目錄

趙必愿一首

趙庚夫一首

郭秉哲二首

楊杞一首

楊長孺一首

徐範二首

徐僑一首

謝鑰一首

馬光祖一首

楊蟠二首

林放二首

劉知過一首

羅適六首

徐廷筠一首

車若水一首

余來一首

龐石甫一首

李大異三首

王實一首

謝深甫一首

霍篴一首

豐莖一首

林岳四首

郭波一首

劉誼一首

盧方春七首

宋恭甫一首

曾布二首

劉宗傑一首

彭次雲一首

宋可菊一首

吳尚巖一首

陳壺中二首

曾黃州一首

董太初一首

陳東之一首

周渭一首

曾揆一首



宋詩拾遺卷二十二

錢塘陳世隆彥高選輯

趙必愿字道人汝愚孫嘉定中進士

秋高亭

秋空何太高秋風何太清秋露何太皎秋月何太明秋  
山有素期秋水莫閒盟力此久病身試上高高亭上欲  
駕扶搖下欲跳清冷手持紫玉簫跨鵬復騎鯨時吹復  
時止霄壤隨縱橫回首天上人見我呼友生我言你能  
許我三百六句無一日之不秋則吾亦許你從此為道

遙之朋

趙庚夫字仲白莆田人

歲除即事

連夜縫紉辨今朝杵臼頻買花簪婢女送女贈窮隣薄  
官惟名在年華與鬢新桃符詩句好恐動往來人

郭秉哲字睿伯臨安人淳熙十三年解元

秋日郊居

一葉驚初下煩襟喜復清雲邊開岫色風外送溪聲菊  
引陶潛興萼牽張翰情迎眸秋色遠頓覺杖藜輕

題畫

蕭蕭風雨聲一夜入修竹中有遺世人歸雲掩茆屋

楊杞字元卿人

送族人門扇

三間茅屋獨家村風雨蕭蕭可斷魂舊日相如猶有壁  
如今無壁更無門

楊誠齋云先太中貧嘗有茅屋三間而未有門扉

于元卿求之元卿送侑以此詩

楊長孺字伯子萬里子嘉定間守湖州

一滴泉

法眼三泓井曹溪一滴泉經秋杜宇血遺老徑山禪衲  
予非常釋叢林別是天諸方多少淚分洒汝江邊

徐

範字

候官人嘉祐初進士官至編修

過太行山二首

茫茫遠樹隔煙霏獵獵西風振客衣山雨未晴嵐氣濕  
溪流欲盡水聲微回車廟古丹青老疏子城荒草木稀  
秋珍重秋公十載意馬頭重見白雲飛

路繞羊腸躡屐躋萬山金碧總堪題舉頭日月中天近

極目乾坤五嶽低  
自笑藍車騏驥厄  
誰憐枳棘鳳凰樓  
欲投古寺禪房宿  
喜見僧歸落日西

徐僑字宗大婺安人朱子之門人瑞平侍從

教齋即事

自吾齋外付諸兒  
除却詩書總不知  
苔色上侵閒坐處  
鳥聲來和獨吟時  
十分秋色重陽近  
一味新涼老者宜  
調得身心能自慊  
止吾所止復何疑

謝鑰

翫月有感

入夜茶甌苦上眉眼花摧落石牀碁舉頭却恨天邊月  
顛倒山河作樹枝

馬光祖字華父金人賓慶進士

青溪

人道青溪有九曲如今一曲僅能存江家宅畔成花圃  
東府門前作菜園登閣自堪觀疊嶂汎舟猶可醉芳樽  
料應當日皆無恙茗甌滿湘不足言

楊蟠

春日南園

天淨鳥飛遠路幽花自香春風吹草木野水滿池塘事  
去青山在人閒白日長興來搔短髮微意久難忘

萼菜

休說江東春日寒到來且覓鑑湖船鶴生嫩頂浮新紫  
龍脫香髯帶舊涎玉割鱸魚迎刃滑香炊稻飯落匙圓  
歸期不待秋風起漉酒調羹任歲年

林放

東山高臥

三間老屋青山幽清風灑灑寒颼颼脫巾坦腹臥其下

此身直與淵明儔  
老松飛翠落夏簟  
六月不暑涼於秋  
人生百年一夢幻  
世間萬事空悠悠  
一聲野鶴忽驚醒  
山爐活火茶煙浮

贈琴僧

霜林凋落雲影垂  
朔風獵獵鼓寒威  
偶來禪房訪虛寂  
上人爲我彈金徽  
此調悠悠泯千載  
今日忽聞一嗟咨  
上人所彈不在指  
我亦非於耳聽之  
霜天玉磬敲清曉  
夜月秋聲動翠微  
舉世紛紛震箏竽  
寂寥古意誰能知  
過門不是鍾期子  
慎勿汗漫調朱絲



劉知過

春日

濃起香塵十里晴  
晚來煙雨忽斜橫  
花開花落清明候  
山北山南杜宇聲  
追念舊遊渾是夢  
退思良計不如耕  
人中喜有彌天釋  
時吐清文慰此情

羅適

慈母石

疊石江頭峻如壁  
舟人指云慈母石  
慈母名兮不可聞  
嶢巖坑壓秋江碧  
我聞慈母名  
啓我父母思  
人有父母

誰不思我思父母偏傷悲憶昔生我童稚時家貧日逐  
圖生資父母衣我豈自寒父母食我豈自飢拾薪為我  
代燈燭鬻衣為我買詩書朝夕勸我苦勤讀戒我弗作  
庸常兒嗟哉我生命多疾父母提攜延歲月忽朝卧病  
一呻吟父母呶啞面如漆有時為我祝神祇願我早著  
藍袍歸此時我心常感發願如夫子言無違嗟哉我生  
命多蹇少年不第第已晚况兼父母未死時食不飽今  
衣不煖今朝身為一命仕薄俸聊堪奉甘旨雙親已逝  
掩荒丘薄俸翻將飽妻子有時舉筋食新鮮默默不知

雙淚漣拭目空將酒盃奠酒盃不到陰容前慈母石世  
稀有汝在江頭天地久我思父母不得食此恨當同汝  
不朽嗚呼罔極恩難報於今賴有移忠孝行當竭力事  
明君庶可揚名酬二親

過遠橋

長憶西橋避暑時天風六月襲人肌水隨地脉來無盡  
雲過山頭去不知拂面雜松應偃蓋當年游子已龐眉  
憑師莫動溪邊石留與東歸題好詩

題石橋梅檀像

傳得梅檀相甚奇  
紺容光徹照鬚眉  
橋頭尊者來瞻禮  
應憶靈山聽法時

石梁

飛瀑斷巖路天然  
石似梁始知融結  
日便作聖賢鄉水  
靜魚龍樂山林草  
木香茶花本餘事  
留跡示諸方

天柱山

孤峰插太清  
天柱此垂名  
造化功成後  
乾坤賴不傾  
夜星千拱小  
秋漢一梁橫  
欲問登臨處  
重梯四面生

桐栢觀

欲訪琳宮入翠微  
滿山煙雨正梅時  
神仙事秘人難問  
造化功深世莫知  
海近應通三島信  
年多空見八分碑  
身中龍虎通天地  
誰肯留心繼鍊師

徐廷筠

詠竹

不論臺閣與山林  
愛爾豈惟千畝陰  
未出土時先有節  
便凌雲去也無心  
葛陂始與龍俱化  
嶧谷聊同鳳一吟  
月朗風清良夜永  
可憐王子獨知音

車若水

介

玉澗尋梅思先祖隘軒著書處

澗水流亭北莓苔片石平寒山幾點白殘日一杯清希  
聖言猶在斯人天不生當年結深屋豈為適閒情

余哀

大興院

松栢廻環路屈盤像堂寂寂枕層巒泉清翠茗臨烹易  
地僻紅塵欲到難樵斧伐雲春谷暗漁榔敲月夜溪寒  
我來未盡登臨興欲去徘徊更倚闌

龐右甫

使 過汴京作

蒼龍觀闕東風外黃道新辰北斗邊  
月照九衢平似水  
兒吹笛內門前

李大異

欣欣亭

門外青山收暮雨林間歸路出行人  
鷓鴣勸我早歸去  
擬斫釣筒收紫筠  
雨露汪洋四海春  
嶺南嶺北多歸人  
朝中賢士罕過此  
莫惜青錢呼白鱗

曾兄惠然見臨篤叙世契示以先哲遺墨稽首  
敬觀因題其後

家傳文獻六經香袖有驪珠日月光喬木陰陰人已遠  
祇應故笏是甘棠

王實

隆按劉後村有送王實之詩真西山作養正堂記  
云予及莆田王實之殆即其人

古意

少年紅顏女敷芬對芳樹盈盈淡艷粧清歌襟妙舞凝



踈倚高樓桐絲試一譜世間知音稀誰識嬌節素清貞  
守幽閨下作凡子婦容華委西山良人來何暮空牀思  
悠悠明月正當戶

謝深甫

天台道中

溪繞青山路繞溪山長溪曲路高低晴灘淺濕舟如盪  
危磴接層石作梯晚照荒村飛鳥入秋風落葉敗蟬嘶  
碧雲四合長天暮轉使鄉關望眼迷

霍麓

飛步亭

杏花巖左斲東巖驅使淮山指顧間招信 總 赴

僧伽孤塔正灣環今來古往皆陳迹衰草斜陽祇慘顏

走馬看山真懨

拾得片時閒

豐

莛

字

人紹定三年進士

聞相可翁先生偕王人有湖山游獲侍坐先生  
有詩輒用韻

西郊陪衮繡雲步入千山行樂五星聚浮生半日閒  
尋  
碧楓葉下載酒藕花間譚笑長城在何人敢度關

林 岫

礧巖

嘗聞仙人渡海術授以尺杖如飛龍憑虛閑自不敢瞬  
波濤洶涌喧天風茲巖山窟飛海岸直掃一澗聲何雄  
冥行千步水入耳明探萬壑雲生胸嵌崖滴樹芝玉脫  
剝穴噴水蓮腮紅神仙縹緲在何許心平意定天為通  
此行况復匪遊戲出門借問春畦農

波斯巖

何物波斯有此巖巖前巖後著深潭雙倪顧母魚鱗脊

峙闕迎賓玉筍簪立塑崩崖天入牖重燦寶蓋佛留龕  
使君勸課親來此謾與邦人父老談

青田巖

老鶴回翔去幾年至今巖壑此名傳躋攀分寸疑無路  
飛入方壺却有天白象綠獅呈怪石神泉深洞隱真仙  
細看滴乳流脂處不是青田是玉田

盤石

捲煙閣西官道長一水東注襟滄浪山連踞虎巖如屋  
棧接飛鸞石作梁田野四時歌樂土關河千里隔蠻鄉

我來九載叨民牧億萬斯年說太康

郭波

陸象山先生墓

大道久荆榛岐路苦未併博約豈不賢末學恣馳騁口  
耳謾紛紜徒知響與影吾心自神明一掬涵萬境昔者  
斯文麾紫陽已獨東厥德天不孤時生陸子靜陸朱夫  
何殊性天俱炳炳議論偶異同吁咈豈為瘞考亭任重  
資汲多費深鯁象山直劈東舉手提要領一起跬步間  
循循登峻嶺一從百仞巔洞視下萬頃輒迹隨入連金

蘭同有永何知好事徒紛紛自燕郢古人亦有言聞過  
乃為幸二翁九京中豈不重炯炯低頭古墓下想衆見  
光景有矧不敢懸為君發深省

劉誼

游曾公巖

尋得新巖冠一州使君從此作鰲頭千年草莽埋幽致  
今日衣冠成勝游洞穴已能驚俗眼神仙須合隱浮丘  
主人將為商霖起還許微官卜築不

盧方春

字

柳南永嘉人嘉熙進士

窄嶺

危嶺惡有名窄嶺險無數石韋卷我車石牙隱我步空  
岡蟲九頭黑身眼四顧擲之聲愈厲飛前使人怖想當  
開闢時已是樵獵路茅臭不成山瀑斷不成布了出升  
惡猿蹄涔立飢鷺蘆花大如錢況乃時寒沒遐征誤假  
道撫景自作恕林壑非出倫筆硯不入務脚怠宿未投  
天低日俄暮

陟駝巘

雨涼陟駝巘轉歷九十折短竹亦自陰小冢亦自潔尋

草補蹠蹊行人以早說農哭眼睛落天懶霹靂歇斯民  
謂天懶對此子心熱憑高覽清曠一峯一氣結峯下桔  
槔人踏水脚如血短短赤赤袂專供毒蝗舌太息重凝  
眸青青天骨出

蓮塘

蓮塘有清氣永夜南窗開引滴不待瓢折筍為酒杯飲  
罷坐閒石林抄風徐來仰天忽大笑微吟行綠苔

寄趙東閣

棧閣傳鈴夜已深下方方沸管絃音霜飛初氣侵清坐



月耿斜暉促苦吟著草只知浮世事燈花難說隱人心  
依然流水高山意我欲從之學鼓琴

送陸侍御歸越

啾啾風雨餘出畫意何如鏡裏無慙色囊中有諫書寒  
崖立松柏清廟失璠璣海內看霜月光明只似初

趙幾道處見趙端行所作

新詩奔我目瞳光哦出松根琥珀香李白未題芸草署  
却詵重入桂花鄉遠天閑寂無雷電南地清涼有雪霜  
欲到琴堂先謁府滿城清嶂照斜陽

水雲園池

貧山上水樓一望一層秋  
幽抱發朗詠驚飛雙白鷗  
斯文今寂寞諸老舊風流  
漁者亦樂此扣舷清夜游

宋恭甫 字逸齋瑞安人京西安撫司叅議

社日不飲

漪漪細浪生蒲葉  
剪剪輕風破柳芽  
不飲恐孤今日社  
強隨兒女插桃花

曾布

和陳倩遊曾公巖韻

從事區區厭獨賢，尋幽深入翠微間。  
旋開榛莽東郊路，偶得神仙舊隱山。  
都嶠三天臨瘴水，靈巖十里接溪蠻。  
何如咫尺鄰風穴，杖屨時時一往還。

### 靈泉寺

一掬寒泉照眼明，冰霜凜凜坐中清。  
生芻想見當時客，華屋空留後世名。  
曉日盡涵金碧影，秋風暗引珮環聲。  
他年卜築南山下，白首何人共濯纓。

### 劉宗傑

### 游曾公巖

謝公高興在東山尋得仙巖郡邑邊萬朵蓮峯凝碧乳  
一溪鳴玉逗寒泉由來物外無塵景須信壺中有洞天  
嶺服已安襄詔近莫將歸夢更留連

彭次雲

游曾公巖

目擊烟霞晝卷舒披榛敲石得蓬壺洞天日月千年久  
人世塵埃一點無靈藥難尋雲縹緲落花不見水縈紆  
使君鳳閣翱翔近謾與東山作畫圖

宋可蒨

字

永嘉人

春日

門掩東風老無人載酒過半窗春夢短深竹雨聲多  
朽樹濕生菌殘蠶已化蛾因思舊遊地臺榭廢笙歌

吳肖巖

字

永嘉人

茅屋

茅屋三間小春風長草芽故園經積雨老樹不多花  
黃髮長垂釣古書猶滿車近來人事別亦頗聞桑麻

陳壺中

字

樂清人

鴈山

父

山川秘靈迹海近氣常陰尊者何年在樵人去路深雲  
龍歸絕頂花鳥傍禪心十八前朝寺哀猿空夜吟

宿連雲樓

自愛山樓宿微吟此興濃凭闌最深處見月在高峯清  
唳來孤鶴新涼生數松萬壑名已遠何處覓仙蹤

曾黃州

龍溪新亭

懷玉知名寺諸峰翠拂天凌雲飛略約照水舞蜿蜒午  
日孤穿履新涼定著鞭更煩煩惠速小立虎溪邊

董太初

保應廟

隋諸王避難沒葬其地水旱疾疫祈禱輒應宋寶慶  
二年從鄉名之請建廟賜額

廟食空山八百年衣冠猶是李唐前汴河十里垂楊柳  
何似松陰數畝田

陳東之

保應廟

投跡空山計已非江都消息亂來稀廟前幾種春香草

錯怪王孫去不歸

周渭

疊秀山

平生賦性愛觀瀾今日登臨疊秀山  
天錫卦爻分象外地將圭笏出人間  
照州水遠孤城小五嶺山高衆垤難  
極目紫宸何處是碧雲深處珮珊珊

曾

揆字聖卿南豐人

題資福院平綠軒

終日勞勞鴈鶩行偶然來訪贊公房  
扶疎草木四圍合



縈繞溪流一帶長倚檻豈能成傑句把杯多是說名方  
問師乞取安心法老坐蒲團對佛香

宋詩拾遺卷二十三目錄

岳珂一首

潘昉一首

詩知柔一首

翁逢龍一首

周行己一首

白玉蟾三首

吳朝奉一首

陳宗禮三首

趙葵三首

徐噩一首

郭庭芝二首

趙東野一首

周自中二首

游澗一首

黃宜山一首

曾興宗一首

張以寧一首

劉韞一首

鄭百極一首

丁注一首

周知微一首

陳朝老一首

高瓦之一首

張國衡一首

全

莊公岳 一首

王義山 一首

彭應壽 一首

張勇 一首

董楷 二首

宋之瑞 二首

陳天瑞 一首

吳詠 一首

陳庸 一首

陳願 一首

郭晞宗 一首

張次賢 一首

李景文 三首

郭磊卿 一首

姜應龍 一首

吳梅卿 一首

宋詩拾遺卷二十三

錢塘陳世隆彥高選輯

岳 珂 字肅之相臺人

山居感舊百韻

昔在淳熙日中興最盛年  
身逢千載運眼見五朝天  
楚甸當澄按岷江極沂治  
經途俱極險問字始能言  
衛國呼珠帽關公著玳筵  
進思紅滿幄便室白連椽  
詔趣回銜鴈重聽下峽猿  
講書聞獄麓論道識湘川  
至治承三紀康謠沸九壠  
親逢堯壽並繼見禹功傳  
階玉駢床笏

籛金課槩鉛程書仍把學句讀始精研白髮沈詹事青  
雲張集仙遺經說東魯大義指南軒古郢十連地修門  
萬里船歡呼膽玉軟恭請擁珠蘄全盛開金邑升平沸  
市鄧民無買刀佩士有誦聲絃去國波浮鷗炎陬瘴跼  
鷺稍知遺枉白僅齒與齡元附旨丁監切垂膺涕泗連  
止焚燒暖昧旣簣恨纏綿奏牒懷留語慈親返故泉名  
坊觀正猷蕭寺饒忠宣鼓篋來承學樞衣接鉅賢伊瀛  
一宗匠鄭鄮兩魁躔持論聞忠厚逢時正黨偏偽名開  
建上威蹙張平原國論幾沈痼初心本怙權朱彭承既

倒沈李助方燃東閣陪公議南州逐客還奮身從百戰  
垂翅謁三銓累載需將冠中宵數著鞭窮遠周障塞訪  
古涉淮堧歸抱遺書痛親裁逸事編紬藏金匱底額直  
玉階前日射儿闕豹風清列辟鵷丁時旒十二乙奏牘  
三千輦鼓宸心感絲綸詔墨鮮鑄佗光裂地繪像煥凌  
烟狐史無留憾麟臺錄奏篇賢書雖偃蹇倉氏尚拘擘  
大幕開丘鄧從軍下宿連人謀自矛肯民命困戈鋌已  
矣推銅虎歸狀訪石田哦松期掃逕薦草又勝牋掌皮  
斯文在鳴琚大老先扈祥纔列屬鶴吊復題阡甫畢三

期制重登九寺聯曾固陳戰守尚憶奏蟬蛭馮翊免符  
佩華亭鶴羽翩弱翁慚美報李子幸求適蘭省頻分帳  
樞庭恰綴員千時繇間議問俗許惟寨平糴千倉富防  
江萬鼓聲田疇免捐瘠閭里僅安眠戎監還文石糧車  
抗使旃龍荒緒廟璽鴻筆研山園為訪平山柳來尋九  
曲蓬降 啓膠輅走檄更喧闐位棘珪頒瑞持荷拾在  
肩登壇委寄重伏鉞便宜專閭使誅妖福堅城馘逆全  
萬艘爭轉粟九府亦流錢詩禍興同列天游 上元閑  
僧偶傳誦匪石遂銘鐫學羿招彎射滎陽厭老拳了無

虛券證僅有巧言編幕府門生舊勲家宿契堅反身徒  
浩歎斷舌謾思愆皇上頒明制公朝雪滯冤復令修甬  
道適遇奮空拳憂職霜侵鬢忘餐頰露顙粗能供尺伍  
何以報塵涓忽奉樞機召難勝束帛多迄孤朝仄席敢  
望政齊璿誤沐使蕃渥重尋香火絲九光三境近十閭  
五雲邊倍惜筋骸老空驚手足胼支離賦囊粟溫飽及  
華顛喘月牛歌戚嘶風馬憶燕枕戈悲壯志揭橐愧空  
饘觸事常多感懷安祇自憐深山游鹿豕交反半蟬貂  
北海亡却漸南榮偃偃餘生知有幸世慮盡無牽多



幸偕癢老清時釋絆纏採芝從澗底策杖又山巔正足  
須關念沉迷盍以俊使須漱石勿使謫來軒埵蟻還  
驚夢冥鴻願比騫屋間雲可宿簷曝日常暄適性頻移  
竹忘憂更樹護銜杯趣安健卒歲樂周旋往感常流焉  
歸心聽杜鵑方不忘起已病始知痊隨杖羞窮木羊  
腸易折轅但今思憤憤豈厭腹便便逆旅還推枕知音  
謾續絃誰說少年事為我寫蹄筌

潘

昉字廷堅閩縣人端平初進士

道卿臺

東坡不謫黃黃應無雪堂道鄉不如斯此臺無道鄉青  
山似具人山靈能頡頏一落名勝手境與人俱香悲吟  
倚空絕臨眺生慨慷道鄉不可作承君不可忘

譚知柔

練湖春霽

春入池塘綠漲初蒲根水暖戲鷗鳬雜花開處自深淺  
細雨漾空如有無風外鍾聲聞遠寺柳間帆影出平湖  
冥搜竟日耽佳句不負宗生來畫圖

翁逢龍

金山寺

波濤湧處浮雙塔塔影高低樹影邊山下雖無歸寺路  
門前却有過淮船石峯隔水難尋水井脉通泉易得泉  
聞說老龍歸洞口幾迴驚起定僧禪

周行己字恭叔永嘉人官至秘書省正

絕境亭

雲橫絕塵境峻嶒若繩削羣山列培塿衆星分脉絡下  
瞰萬瓦居縹緲見樓閣松風發天籟冷然衆音作晶晶  
天宇清塵襟一澄廓

白玉蟾

梧州江上夜行

雲去雲來幾點星  
城頭畫鼓轉三更  
草深螢聚渾成燐  
月暗鶴飛惟有聲  
何處夜航鳴櫓過  
滄江如鏡烟半破  
忽然長嘯驚沙鷗  
飛入前山不留箇

初至梧州

夜半江風次竹屋  
起挑寒燈憐影獨  
荒雞亂啼思轉多  
黠鼠嘯躍眠不熟  
舊曲情聲覺悲涼  
故園心眼時斷續  
何當牽犬臂蒼鷹  
錦帽貂裘呼蹴鞠

除夕客桂嶺

誰使詩狂隨桂林鳴鞭裊雪一傷心  
自憐襤襪衣何薄  
安有醑醕酒得斟真箇飄蓬將欲老  
何曾箇莽似如今  
黃劉不喜瑜蒙喜須信廿盞有賞音

吳朝奉

濯纓石

乘興滄浪水際行江澄如練接天平  
玉樽暮舉頻添酒  
石砥浮觴就濯纓夜月浸潭冰鑑冷  
密星沉水浦珠明  
南山環峙相輝映直聳蓬萊侍玉清

陳宗禮 字立之南豐人淳祐中進士

偕彭稚林游翠即席求和

往事鐫鐫一夢同遊人聊此可從容  
神仙已逝境猶在洞府雖深戶不封  
閱遍古今雲木老洗空塵土石泉春  
此懷清白堪超世何必星精特地逢

玉巖

山蹊屈曲石玲瓏今古遊人興不窮  
一一圓明人不識却尋石潌任中通

翠屏青紫互高低清淨仙人薜荔衣  
正好觀心生巖下

忘歸却是不忘歸

趙

葵

字南中方子溥祐中以功建端明學士俊拜  
古丞相兼樞密使封魯國公

秋浦樓

麗譙岩峩壯城關萬里關河歸目曉雨餘漁釣玉奩開  
烟生芙蓉翠屏列吳頭楚尾二十秋滿耳絃歌聲未絕  
不才濫綴鴛鴦行夜夢時還許歸謁蕭晨振策來翠微  
母憐吾兒倍怡說昔偕汝父居是邦舊事辛苦為兒話  
星星鶴髮簪霞冠笑者朱衣擁金節一門和氣皆君恩  
恩與天同酬未得生平區區忠孝心歲晚願為松與柏

可憐清賞屬登臨  
風景不殊人事別  
徘徊倚十二闌  
嘯聲吹上梅梢月

惠山寺

古木森森映碧苔  
嵯峨樓閣倚天開  
山僧不問朝天客  
自注冰泉浸野梅

貞義女咏

白首辭廊廟  
投閒瀨水隈  
因觀貞女傳  
深仰謫仙才  
擊漂名猶在  
沉淵事可哀  
清規招不得  
偷俗挽教回  
直筆遺青史  
荒磯鎖綠苔  
憑將一杯酒  
澆向浪花堆



徐 璠

綠珠渡

早出綠蘿村晚過綠珠渡  
日落白州城草荒梁女墓  
江水流古今滔滔不相顧  
今人不見古時人依舊青山路  
如故

郭庭芝字雲生

人浙江行省平章

送趙南仲出視江淮

劍戟翩翩鐵騎攢前軍飛渡潤州灣  
烽連淮陸塵遠月照金山漢壘寒  
虎旅亦知平易龍庭不數靖邊難

來威顯允歌方叔願附詩人唱凱還

佛牙寺看桂因贈許秀才

何來仙女散天花  
刺得餘香伴佛牙  
留取高枝青漢上  
秋風吹送到君家

趙東野字

章貢人

題跨牛圖贈郡守姚公鏞

騎牛無笠又無蓑  
斷壑模崗到處過  
暖日和風不常有  
前村雨暗欲如何

周自中字祥父號春塘永嘉人

贈西山磊泉庵僧

門掩古崖碧霜欺苔迤班去城無一里此地若深山留  
客吟松下駟泉過竹間羨師無外事相伴白雲間

山居

又是閒中一日過明朝活計看如何拾薪童子歸來晚  
報說南山野菜多

游

憫 字憲武寧都人

金精山

敝帚感鳳金屈盤秦釵漢鬢香添寒洞庭波橫嬌不起

舞娥拂桂樓孤  
寫寶符纈色元宮閤  
碧峽瑤草春漫漫  
霜刀如泥割蒼玉  
蛟綃綺閣白日閑  
楸花紅飛洞雲濕  
驚雷挾空老虬注  
崖丹虹落霞不流  
縞衣仙使杳衡急  
石髮流漿翻柱礎  
若水液橫天上乳  
西方七宿攬搶焚  
長沙地遠豐鐘鳴

黃冢山

題和靖墓

墳邊疎影尚橫斜  
鶴老苔荒處士家  
獨立東風難著語  
只攜樽酒酌梅花

曹興宗 字光祖 監都人官推官

箕萐山

渭川千畝竹可比萬戶侯我有箕萐谷此豈為食謀南  
山與北山清絕真勝遊飛泉動蕭爽怪石添清幽娛親  
自足樂捧檄良可羞日後抱節君崎嶇經林丘有酒對  
爾酌得句為爾謳共結歲寒心肯學炎涼倚笑指親密  
友不獨王子猷

張以監

贛州鬱孤臺弔辛稼軒作

鬱孤臺前雙玉虹一杯遙此酌英雄風雲有恨古人老  
天地無情流水東精衛飛沉滄海上鷓鴣啼斷晚山中  
清江不管人間事烟雨年年屬釣翁

劉 韞

金精詩

空山何代落星躔今作陽靈小洞天試覓丹梯攀絕壁  
遙尋絳闕在層巔霜戈雜沓兵初合霞珮飄搖女已仙  
靈跡羽人同指點身輕我欲便凌烟

鄭有極 字亦山

金精山

春風棧閣曉雲寒中有潺潺一玉灣白石寨盤青石磴  
鮮花猶帶溪時斑

丁注

永慶寺翠屏亭

挿迥飛簷聳凌虛疊砌危四天欄下揖萬象掌中窺目  
力不到處雲容無盡時層層皆勝事凭檻幾人知

周知微

龜山廻文詩

潮隨岸浪雪山傾，遠浦漁舟釣月明。  
橋對寺門松徑小，檻當泉眼碧波清。  
迢迢綠樹淮天曉，靄靄紅霞海日晴。  
遙望四邊雲縷水，碧峯千點歎鷗輕。

陳朝老

龜山迴文詩

潮回浪淺細沙傾，岸柳平波映眼明。  
橋接短亭連野曠，艇橫長笛帶風清。  
迢迢綠草寒烟暝，隱隱疎林暮靄晴。  
遙見疊峯清淺黛，客心傷處碧雲輕。

高元之



飛雪亭

危亭上拂烟霞光  
蒼崖深倒蛟螭穴  
天河飛來破山翠  
寒入疎林風自發  
翻珠錯玉無時歇  
巖前散作千秋雪  
寒聲蕭蕭凜毛髮  
白雲朶朶翔空滅  
飛流濺珠入毫端  
天然一詩為題絕

張國衡

水簾洞

洞口蛟綃薄  
山心玉蕊浮  
殘雲掛練影  
新月下空鉤  
白鶴仙人去  
蒼苔石磴幽  
奇踪看不倦  
旬日為淹留

莊公岳

此君堂

使君新構此君堂手植玲瓏玉萬行洗滌清風消暑晝  
敲摩直節任寒霜蕭森一迳長年碧灑落高軒四座涼  
華金竿交飛賓就醉夜深留待月筆光

王義山字

豐城人

甘霧臺

掃除黃葉拂塵埃講座雖虛尚有臺歲晚喬松典刑在  
烟波疊嶂畫圖開不須瑞露從天降應是慈雲為客來

須信中邊甜似蜜吟詩未足報崔嵬

彭應壽

石橋寺

石磴盤空別島開深林蒼翠拂衣來雲華映日千峰曉  
瀑布凌風萬壑哀野寺無人猿自嘯危梁駭客鷓頻回  
桃源洞杳知何處翠髻雲房亦浪猜

張勇

邀朱晦菴常平看梅

幾度交嗟把袂難皇華按郡得盤桓小園種得梅千樹

為報相過一倚欄

董楷楷

續溪書懷

行來人世塵千里夢遶故山春萬重慈母新年音信缺  
遙瞻雲白是中峯

閣雪峰陰未肯明卧聽寒玉瀉簷聲官居不事問來往  
閉戶焚香養性靈

宋之瑞

石梁二首

石梁橫亘不知春  
閱盡憧憧幾許人  
正使更逢蒸餅碍  
可能前路絕荆榛  
應緣心在已心空  
方廣那知只此中  
金雀茗花時現滅  
不妨遊戲小神通

陳天瑞字

人公輔之後師事王魯齋

### 大暑松下臥起

迅翻趨炎敵高標  
閔幽雅隱士何所營  
策之清蔭下故  
居永黍生帡幪  
若大厦熟卧南風  
遣飛夢游虞夏五絃  
天上鳴擊壤歌  
滿野起來記遺音  
析薪有樵者

吳詠

殊聖寺和孟我幕韻

院靜僧疑少門幽客自稀  
山寒雲近屋徑狹石侵衣  
松鬢蒼髯古薑芽紫笋肥  
騷人詩戰罷踏月夜深歸

陳庸

江左驛舍寄文湖

雲水蒼蒼日欲闌  
邛亭遙憶舊家山  
數人兩地分南北  
幾度相思鬢為斑

陳願

斗起亭

乞得雨初霽登臨一解顏  
自攜班竹枝來對白雲山  
月色朦朧裏溪聲遠近間  
相留且盤礴莫惜夜深還

郭晞宗

白紵詞

遙夜迢迢夜未央  
井梧月色啼寒螿  
感時念往誰不傷  
嬖好寵絕辭昭陽  
乎中團扇篋中藏  
吳姬織紵秋蟬翼  
一絲往還千情積  
金粟尺量金斗熨  
為君裁袍為君惜  
同盛同衰莫相失

張次賢

山居雜興

深林樹色翠重重一枕蘧蘧蝶翅濃  
好鳥乍啼驚夢覺可人山色入簾櫳

李景文

病後感興寄車玉岑先生二首

北風何颼颼木葉下未已閉門讀古書  
世念書中起酒饌傾南鄰笙歌喧北里  
惟娛極寒夜不知漏下幾忽聞南來鴈  
起坐頻撫几樹護未有期食芹空嘆美



折梅寄故人故人青雲間青雲杳無路夢裏相往還我  
愛梅花媚彼惜桃李顏相逢不相契何事勞追攀守此  
歲寒心持以遺所惟

廬墓有感

流水遶門去愁雲壓徑斜無人燒柏子有客問梅花橘  
熟猿窺樹池空鳥啄沙自傷寒谷日不及照昏鴉

郭嘉卿

挽張都諫文肅公

更從別駕立朝端白簡風生憲府寒宣室每前深夜席

水天時染秘書翰琴思中散人何在鶴返遼陽影已單  
聖主愴然為輟食九原莫作淚空漫

姜應龍

題湘湖

世路羊腸淹客遊塵纓來此濯清流半窗修竹翠含雨  
一片澄湖冷浸秋地僻莓苔侵石几機忘鷗鷺近漁舟  
夜涼酒醒未能睡詩句欲成搔白頭

吳梅卿

題洲明愛菊圖

秋菊由來美願言愛者誰聞道陶彭澤嗜彼獨孜孜嗟  
嗟兮秋菊何入淵明思我今忽解得不肯告人知